

二儀同卷

爲五

二燈儀同卷

正一殞司辟毒神燈儀

離明瑞象燈儀

正一殞司辟毒神燈儀

法事如式

伏以混沌既分氣形乃判女媧斷教鼎而立極
伊析曆象以授時分三才而成三播五行而
爲五由是氣分七十二候歲定三百六旬成

變化以行鬼神妙陰陽而運寒暑天垂象則
吉凶可見人稟性而禍福自來故慶之源乃襲
於積善之家而殃咎必幾於作惡之者幸有
禱祈之路抑開方便之門以今信士某囿形
覆燾之間託跡忼懔之下正心誠意尊天敬

爲五

神啓建玄壇修崇清醮香煙縹緲霽空洞之
雲霞燈焰熒煌燦青霄之星斗瑤臺月冷而
仙裾縹緲碧漢風清而雲馭翱翔察茲懇懇
之齋羞願賜迂迂而降監伏願明德誕敷洪
恩下沛增注方來之慶蠲消已往之非萬福

攸同羣魔滅試無災無害且逸且安金書標
不朽之名青簡注延生之法更祈加護是罄
恪恭稽首歸依無極大道

臣衆等志心歸命東方行瘟張使者

伏以太虛之上諸天之尊自然九色之光華
不假三晨之照燭上至日月星宿下及海岳
山川或傾事帝之心盡屬爲臣之禮宮室戶
牖殿閣樓臺或珍寶以營成或雲霞而結就
虛無縹緲是爲恍惚之庭森羅淨潔別有通
明之殿每於齋日普集群靈風生而紫宇成

音煙起而清風結篆百千萬之仙衆三十二
之帝君莫不大會玉京上朝金闕以今信士
某銀缸燦爛檀炷氤氳惟願降臨謹當讚詠
布列銀缸化成寶蓋燦爛光華流星俯屆
九霄儀仗徘徊下邁五色祥雲氤氳沆瀣
勅下三官消除災害疫疾瘟癘皆蒙痊瘥
殛司部從驅邪除怪降福消災虔恭匪懈
臣衆等志心歸命南方行瘟田使者
伏以惟皇上帝陰隲下民故敕溫部之神明
以分天道之禍福積善者有餘慶則可保於

安寧積惡者有餘殃則難逃於譴責主殛聖
者威重權高都天元帥勢大職尊昔武王治
世之日乃匡阜得道之時御氣乘風孰可攀
於仙駕幽岩邃谷今猶見於靈蹤尊號和瘟
靜明敕賜雖大道之瘟疫惟人所召然神明
之糾察惟德是依以今信士某是以香裊輕
雲燈排列宿惟願降臨謹當讚詠

仰啓五殛尊神聖帝願回聰直廣垂濟惠
元帥都天留恩一切左右威靈無諸疑滯
匡阜先生和殛却癘收殛攝毒福及後裔

駐想雲輿 來臨壇治 保佑一家 永依神庇
臣衆等志心歸命 西方行瘟趙使者

伏以洪爐造物 覆燾所以無私 踈網臨人 善
惡因而有報 恐懼修省之戒 嚴恭夤奉之文
義易所傳 周書備載 吉凶在我 禍福無門 降

爲五

三

年不永者 惟民宿辜 不善餘殃 者非天作孽
若能悔過 百祥自此 而臻 苟不悛心 六極自
然而至 故有殛部以奉天符 一紀之中 今年
王而行賞罰 五方之內 假將軍以秉威權力
梵魔王輔聖 每彰於猛烈 張康太保隨神常

顯於靈通願藏雷電之威乞賜禧祥之祉以
今信士某是以燈開菡萏香噴狻猊惟願降
臨謹當讚詠

力魔梵王 曲垂大造 太保張康 尊安廟貌
十二年王 尊帝所告 五方使者 除兇去暴

正直聰明 褒忠佑孝 廣變清涼 恩歸覆燾

臣衆等志心歸命北方行瘟史使者

伏以皇天無親大道不器其功可以妙萬物
其明可以照四方延福延生俱有修禳之法
若男若女咸蒙覆燾之恩惟命殛司下臨凡

世行病則有鬼王之猛烈發汗則有使者之
神通以禍福化人以災祥降世常善救物豈
非惡害之心無量度人乃有好生之德以致
陰陽消息寒暑往來十二律之無私四六氣
之有準瘟分三十六種候列七十二神心萌
善則災消意造非而禍至倘伸賈奉必賜康
和以今信士某是以香飄馥郁燈布熒煌惟
願降臨謹當讚詠

三十六旬 主張氣候 二十四神 四差刻漏
七十二神 時行所受 十二律呂 黃鐘太簇

皂纛鋒刀長牙巨獸天之命令生靈是祐
慈造回顏神威息咎保佑一家康寧富壽

臣衆等志心歸命中央行瘟鍾使者

伏以先聖所制亘古流傳必須顯跡於神通
然後隨方而祭祀據壇祠而遵天命居境域

為五

四

以顯威靈旨酒佳釀列杯拌而豐潔朱甍碧
瓦設堂殿以深嚴或道教之真仙或釋門之
大士或往古之英烈或上世之賢良或畫繪
以作容儀或埏土而成相貌享一方之供獻
納千里之瞻依以今信士某是以絳蠟搖紅

紫壇凝霧人皆欽仰士庶歸依法衆虔誠謹
當讚詠

郡邑靈神人之主宰社令城隍血食千載
祠廟靈祇名彰英彩亘古名賢周遊四海
一方祭祀豈容有改願回洞鑒來臨爽愷

保佑一家永無驚駭

諷經 宣疏 化財 回向

正一殛司辟毒神燈儀終

離明瑞象燈儀

法事

恭聞大道昭昭不言善應小心翼翼有禱必
通臣等謹炷真香虔誠上啓

南方大聖三炁火德熒惑執法真君丹天赤

爲五

五

皇上道真君南宮執法延壽司錄君火祖燧
人帝君火正商丘宣明王火正闕伯大神大
火析木神君祝融炎帝輔炎真官回祿神君
左六位仙官右六位仙官離明宮內主火靈
妃流金火鈴宋將軍五方火殃使者火騾火

馬火弓火箭神君火部合屬威靈恭望

聖慈俯垂洞格普仗真香悉同供養畧入意

伏以塊圪流行大巧無私於埏埴生育長養

有形盡屬於明離根茲允賴於蕃滋品彙悉

沾於亭毒聖人乘風而取象君子申命以治

民居常則立不易方在益則過而思改敢據

素悃上瀆皇鈞輒依法以然燈儼在天而炳

耀今辰建醮祈安信士某等比覩焚如之警

皈依主罰之司延星侶於瑤壇仰靈旂於碧

落恭對熒芒之下特陳螻蟻之私冀格精衷

均膺洪貺法衆運誠讚揚聖號

舉南丹紀壽天尊

臣等志心皈命南方至真大聖熒惑執法
星君離宮神仙衆和諸靈官

臣聞妙道儲精鍾南丹之正炁離明育物總
炎帝之威靈仰惟

南方火德熒惑執法真君德合正陽位尊衆
曜贊襄穹昊陰隲生靈密持造化之權默運
至公之化周流示象現伏有時凡屬照臨敢
忘欽向今辰建醮然燈信士某等生居

帝土命係星躔行藏恐慢於天常動止有乖
於日用每懷修省實切畏兢憑羽士以傳誠
冀神光而容與移宮退舍既聞前古之言宥
過消愆俯鑑今時之禱群黎百姓蒙蔭佑而
弭惡消災萬戶千門沐照臨而覃恩錫慶尊
卑長幼安靖和平稽首皈依虔誠讚詠

爲五

六

舉南方火德星君

明離毓德 火宿儲靈 神威霽景 品彙咸榮
百尋火電 馘灼邪精 束縛九醜 摧滅魔群
奉行威令 備守天經 群生傾仰 永保安寧

臣等志心皈命南方丹天赤皇上真道君
大火析木神君離宮神仙衆和諸靈官

臣聞陶鑄形神熒惑治離明之府交蒸品彙
朱明宰玉眸之宮推運災祥鑑明善惡無物
不承於照燭有情皆託於輝光凡有請祈均
蒙感應今辰建醮祝燈信士某等言念飽溫
自適過咎惟多恐運去以時乖致災生而禍
至輒籲天而請命庸謝過以祈恩消穰回祿
之災驅殄畢方之孽同塵共井永逃爛額之
虞接屋連甍不罹燎原之禍人人按堵物物

皆春稽首皈依虔誠讚詠

舉赤皇上真道君

赤皇應象德秉丹天 執天之法 宰制斯權
留伏分野 流鈴當前 麾旌萬里 察奸糾愆
誓堅寅畏 神真矜憐 永懷皈依 賜福綿綿

為五

七

臣等志心皈依命南方執法延壽司祿真君

左六位仙官火部神仙衆和諸靈官

臣聞赤帝握符乘火衡之昌運皇天愛物當
夏日之咸亨正國祚之重光應離明之三炁
萬物相見適當茂實之期百昌嘉生旺以丙

丁之地仰憑昭晰俯鑑丹衷式薦溪毛暫停
風馬今辰建醮祝燈信士某等言念忝與蒼
生均叨洪化例切經營之急寧無稔積之愆
茲知就燥以為憂輒敢籲天而有請式陳醮
禮祗迂飈輪覬垂降鑑之私誕錫安寧之祉
火曰炎上永無直突之虞人在其中常協大
來之慶巢安幕燕殃殄池魚稽首皈依虔誠
讚詠

舉執法延壽真君

離明正炁 執法專司 顯垂警誡 日鑑在茲

威神赫烈 正直無私 禍淫福善 否泰由斯
丹誠上達 覲格回慈 道之功用 永度屯危
臣等志心 皈命火祖 燧人帝君 火正闕伯
大神右六位 仙官離宮 神仙衆和 諸靈官
臣聞炎上曰火 由失性以延災 蓋高者天感

以誠而必達 軫念有生之衆 動成愛累之愆
故下士之無知 致真司而行罰 鉅焚烈焰 慨
玉石以俱消 爛額焦頭 感比鄰而相救 默賴
神明之祐 幸逃煨燼之虞 爰祇事於真 旂庸
少伸於謝 臆今辰建醮 祝燈信士 某等率勵

齋莊之衆皈心造化之宗例秉忱誠同徼福
惠熱惱祈冰消於烜燥起居冀世樂於清涼
四境無犬吠之憂萬井協雞鳴之喜物消疵
癘災免燎焚稽首皈依虔誠讚詠

舉火祖燧人帝君

爲五

丹罡示象 火祖應真 執天之令 民之畏寅
維南有箕 庶物咸榮 撓捨去惡 至妙難明
總括萬化 秉以機衡 家邦是賴 永鎮清平

臣等志心皈命祝融輔炎真官回祿神君

丙丁將軍火鈴使者離宮神仙和諸靈官

臣聞火運司天萬物咸資於長養陽靈御極
百昌悉自於陶成仰周乾象之盈虛俯察坤
輿之否泰行無常度莫窺盈縮之端數異躔
經孰究機祥之兆矧在照臨之內敢忘欽奉
之勤遙睇明威式徼繁嘏今辰建醮祝燈信
士某在壇衆信人等言念稟生謏薄賦性愚
蒙惟知逐利以謀生罔悟省躬而遠罪特消
塵宇昭露丹忱仰祈善貸之仁用贖多生之
咎家庭宅舍諧滋至泰和之休閭里比鄰免
連延不測之患晨炊暮爨戒永服於徒薪夜

寐夙興安常叨於磐石咸仰無私之照均蒙
至治之仁稽首皈依虔誠讚詠

舉祝融輔炎真官

仰崇炎帝赫赫厥靈維燧命祖福我斯民
監臨不遠警戒昭明惟善是修惟惡是懲

為五

九

齋心以祀普錫安榮威靈所主莫敢不承
志心皈命願保康寧

衆諷神呪

南方丹天赤靈所專威光烈焰施化不偏
火龍一飛照耀無邊火馬一躍萬里盤旋

火鷹一迅鼓翼無前火鈴一撼洪音遠宣
火瓢一發到處生煙火劍一下諸魔伏虔
火索一舉百邪自纏火旗一展號令肅然
火節遙指孰敢當權盛德及物長養生全
逆令返正炎災灼天鑑善不遺削罪除愆

祝燈偈

昔奉天尊教 稟令守炎方 今奉天尊敕
聞善降吉祥 家有天尊呪 火部不為殃
家有天尊呪 火勢息威光 家有天尊呪
火怪自潛藏 家有天尊呪 諸魔自滅亡

家有天尊呪

災厄自消禳

家有天尊呪

財物得阜昌

家有天尊呪

宅舍得安康

諷經

宣疏

伏以曲突徙薪敢昧格言之訓負荆請罪必
從至禱之誠炎燧收煙人民按堵向來祝燈

功德無限良因敬用回向上奉

南方火德熒惑執法真君丹天火部一切神

仙諸靈官衆仗此燈功普伸回奉伏願

錫之純嘏享于克誠回祿除殃永免焦頭而

爛額畢方消孽常臻列屋以安居焚燎之災

不侵康寧之福畢至四民樂業萬物蒙休為

上因緣志心稱念

南丹紀壽天尊

消災解厄天尊功德無量不可思議

離明瑞象燈儀終

為五



